

Siunnersuummut nassuiaatit

## **Nassuiaatit nalinginnaasut**

### **1. Aallarniut**

Inatsisartut Inatsisaannut siunnersuutip siunertaraa, maalaaruteqartarfinni aalajangiisartunilu allatseqarfiit assigiinnerusumik suleriuseqarlutik innuttaasunut suliffeqarfinnullu sukumiinerusumik sulisinnaaneranut sukkalisaataallunilu ataatsimiisitaliani aamma aalajangiisartuni assigiimmik suleriuseqarnikkut naammassiuminarsaanissaq.

Siunnersuutip maalaaruteqartarfiit siunnersuummi taaneqartut namminneq suleriuseqarnissaannut tunngavissaannik inissiissaaq. Ullumikkut Naalackersuisut maalaaruteqartarfiit suleriussaannik assigiinngitsunik inissiinissaminnut piginnaatitaapput, tamassuma aalajangiisartut assigiinngitsunik suleriuseqarnerannik kinguneqarluni. Saniatigullu Naalackersuisoqarfiup sulisuinik asuli suliassanut atuisoqarani, tassanimi Naalackersuisoqarfiup aalajangiisartut suleriusaat suliarissanngilaat, naalackersuisoqarfimmiit sullissineq ingerlanneqanngimmat.

Maannakkut suleriuseq naleqqunnanilu ingerlatsinikkut oqimaaqutaavoq, taamaattumillu assigiinnerusumik sukkanerusumillu aamma ajornannginnerusumik sulianik naammassinnissinaaneq kissaatigineqarluni.

Siunnersuut siuleriutsinut malinnaalissaaq, tassani suleriutsit aalajangiisartut siulittaasuaniit inissinneqartalissamat. Allanguutip isumannaassavaa, siulittaasup saniatigut ilaasortat allat aalajangiisartut suleriusaat oqimaaqatigiissumik siunertaqartumillu suliarineqarsimasoq.

### **2. Siunnersuummi immikkoortut pingaernerit**

#### *2.1. Inatsisit atuuttut*

Atuisartoqarnermut Unammilleqatigiinnermullu Aqutsisoqarfik maalaaruteqartarfinnut ataani allaqqasunut allatseqarfittut inissisimavoq: Isumaginninnermi Naammagittaalliuuteqartarfik, Atuisartut Pisisartullu maalaarutaannik Aalajangiisartut, Ineqarneq pillugu Maalaaruteqartarfik, Siusinaartumik Pensionisiaqarnermut Maalaaruteqartarfik, Unammilleqatigiinnermut Ataatsimiititaliaq, Pisortat Pisiortortarneranni Neqerooruteqartitsisarnermi Maalaaruteqartarfik, Pinngortitap illersorneqarnera pillugu Naammagittaalliuuteqartarfik,

Avatangiisit Innarlitsaaliorneqarnissaannik pillugit Naammagittaalliuuteqarfik kiisalu Naligiissitaanermut Assigiinngisitsinninnissamullu Aalajangiisartut.

Ullumikkut maalaaruteqartarfiit suleriesissaat tamarmik assigiinngitsumik inissititerneqartarput. Unammilleqatigiinnermut inatsimmi assersuutigalugu allaqqavoq, Naalackersuisut Unammilleqatigiinnermut Ataatsimiititaliap suleriesissaa inississagaa. Isumaginnittoqarfiup aqunneqarnera aqqissuussaanelu pillugit Inatsisartut peqqussutaani allaqqavoq, Naalackersuisut Isumaginninnermi Naammagittaalliuuteqartarfiup suleriesissaa inississagaat. Avatangiisit innarlitsaaliorneqarnissaannik Inatsisartut inatsisaanni allaqqavoq, Avatangiisit Innarlitsaaliorneqarnissaannik pillugit Naammagittaalliuuteqarfiup suleriesissani nammineq inississagaa.

Inatsimmi atuuttumi maalaaruteqartarfinni ataatsimiititalianilu ingerlariaatsit suleriesissallu assigiinngillat, tamannalu allatseqarfirmut annertunerusumik ingerlatsinnermi suliassaqtitsisarluni. Suleriesissat arlallit nalunaarutit ilanngunneqarnikuupput, tamannalu suleriesissanut allannguuteqarniarnermi ingerlatsinnermi artukkiilluni. Isumaginninnermi Naammagittaalliuuteqartarfik ullumikkut sulerieseqarnarni ingerlavoq, tassani Naalackersuisut suleriesissamik inissiinissaminnut piginnaatitaanertik atorluarsimanngimmassuk.

## *2.2. Siunnersuutip imarisai*

Siunnersuutip inatsisit ingiaqatigiilersissavai, tassani maalaaruteqartarfiit qulaani taaneqartut tamarmik namminneq suleriesissaminnik inissiinnaalissammata.

Tassani inatsisini ataaseq ataatsimut allanngortinneqassaaq, taamaasilluni inatsisit attuumasuteqartut ataatsikkut allanngortinneqassallutik.

## **3. Pisortanut aningaasaqarnikkut allaffissornikkullu kingunerisassat**

Siunnersuut Atuisartoqarnermut Unammilleqatigiinnermullu Aqutsisoqarfiup allatseqarfiani maalaaruteqartarfiup aalajangiisartullu allatseqarfiisa suliqaarnermi ingerlatsinerannut annikillisaataassaaq. Matumunnga tunngavigineqarpoq, allatseqarfirmi maalaaruteqartarfinnut aalajangiisartunullu tunngatillugu sullissineq assigiinnerusumik sulerieseqarlissasoq naatsorsuutigineqartoq.

Atuisartoqarnemrut Unammilleqatigiinnermullu Aqutsisoqarfik suleriutsimik sanarfisaqarusuppoq, tassani maalaaruteqartarfiit assigiinngitsut atorsinnaallugulu nalimmassarsinnaasaannik. Maalaaruteqartarfiit assigiinnerusumik sulerieseqarunik, ingerlatsinnermi suliassanut annikillisaataasussaassaaq. Assersuutigalugu ataatsimiigiaqqusinerit, ataatsimiinnilersaarutit, nalunaarutit il. il. pineqarput. Oqinnerusumik assigiinnerusumillu sulerieseqarnerup innuttaasunut sivikinnerusumik sullissineq siuarsassavaa.

Siunnersuutip aamma naalakkersuisoqarfinni aningaasanik ingerlatsinermi atuineranut oqilisaataassaaq, tassani suleriutsini ingerlatsinikkut periutsinut iluarsisarnissamut nalunaarutiniq allannguissamut nutaanillu nalunaarusiornissamut pisariaqartitsinermi annikillisaataassammat.

#### **4. Inuusutissarsiortunut aningaasaqarnikkut allaffissornikkullu kingunerisassai**

Suleriutsit assigiinnerusut maalaaruteqartarfinni aalajangiisartunilu maalaarutiniq suliaqarnissamut assigiinnerusumik sullisseriaaseqarnerup ingerlatsineq aalajaannerulersillugulu sulianik suliarinninneq sukkanerulersissavaa.

#### **5. Avatangiisinut, pinngortitamut inuillu peqqissusaannut kingunerisassai**

Siunnersuut avatangiisinut, pinngortitamut peqqissutsimulluunniit kinguneqassanngilaq.

#### **6. Innuttaasunut kingunerisassai**

Maalaaruteqartarfinni aalajangiisartunilu maalaarutiniq suliaqarsinnaanermi suleriutsit assigiinnerusut atorlugit sullissigaanni, ingerlatsineq aalajaannerulersillugulu sullissineq sukkanerulersissavaa.

#### **7. Kingunerisinnaasai pingaarnert allat**

Siunnersuut qulaani taaneqartut saniatigut annertuumik kinguneqartitsissanngilaq.

#### **8. Oqartussaasunik aamma suliffeqarfinnik il.il. tusarniaaneq**

Siunnersuut piffissami 26. marsi 2024-miit 23. aprili 2024-mut [www.naalakkersuisut.gl](http://www.naalakkersuisut.gl)-imi Naalakkersuisut tusarniaarnermut nittartagaat aqqutigalugu tamanut saqqummiunneqarnikuuvoq.

Siunnersuullu aamma pisortaqarfinni, kattuffinni allanilu tusarniaassutigineqarsimavoq, ukunani:

Naalakkersuisut Siulittaasuata Naalakkersuisoqarfia, Aningaasaqarnermut Akileraartarnermulu Naalakkersuisoqarfik, Isumaginninnermut, Ilaqutariinnut, Suliffeqarnermut Nunamullu Namminermt Naalakkersuisoqarfik, Meeqqanut Inuusuttunullu Naalakkersuisoqarfik, Nunalerinnermut, Imminut Pilersornermut, Nukissiutinut Avatangiisinullu Naalakkersuisoqarfik, Ineqarnermut Attaveqaasersuutinullu Naalakkersuisoqarfik, Avannaata Kommunia, Kommune Kujalleq, Kommune Qeqartalik, Kommuneqarfik Sermersooq, Qeqqata Kommunia, Sulisitsisut/Grønlands Erhverv, Nunatsinni Advokatit, Grønlands Revision, BDO revision, Meeqqat Illersuisuat, Utoqqaat Illersuisuat, Innarlutillit Illersuisuat, Kalaallit Nunaanni Ilinniagartuut Kattuffiat, AK, SIK, IMAK, PPK, NPK, SSK, INI A/S, Iserit A/S, Isumaginninnermi Naam-

magittaalliuuteqartarfik, Ineqarneq pillugu Maalaaruteqartafik, Unammilleqatigiinnermut Ataatsimiisitaliaq, Siusinaartumik Pensionisiat pillugit Naammagittaalliuuteqartarfik aamma Pisortat Pisiortortarneranni Neqerooruteqartitsisarnermi Maalaaruteqartarfik.

Inuussutissarsiornermut, Niuernermit, Aatsitassanut, Inatsisit Atuuksinneqarnerannut Naligiisitaanermullu Naalakkersuisoqarfik pisortanit, kattuffinniit allaniillu ukunanga tusarniaanermi akissutinik tigusaqarpoq:

Sulinermit Inuussutissarsiuuteqartut Kattuffiat (SIK), Sulisitsisut/Grønlands Erhverv, Qeqqata Kommunia, Utoqqaat Illersuisuat, Ineqarnermut Attaveqaasersuutinullu Naalakkersuisoqarfik, Nunalerinnermut, Imminut Pilersornermut, Nukissiutinut Avatangiisinullu Naalakkersuisoqarfik, Meeqqanut Inuusuttunullu Naalakkersuisoqarfik kiisalu Pisortat Pisiortortarneranni Neqerooruteqartitsisarnermi Maalaaruteqartarfiup ilaasortaaniit, Janus S. Honoré.

Tusarniaanermi allagaatit, takussutissaq 2-mi ilanngunneqarsimasoq innersuussutigineqarpoq.

### **Siunnersuummi aalajangersakkanut ataasiakkaanut nassuiaatit**

#### *§ 1-imut*

Nr. 1-imut

Aalajangersakkami Naalakkersuisut Isumaginninnermi Naammagittaalliuuteqartarfiup allatseqarfiatalu immikkoortuini maleruagassai aalajangersaaffigai.

§ 1, nr. 2-mi takuneqarsinnaasutut Naalakkersuisut Isumaginninnermi Naammagittaalliuuteqartarfiup suleriaasia pillugu maleruagassanik inissiissanngilaq.

Maluginiaqquneqarpoq, ”aalajangiisartutut ilaasortanik soraarsitsineq” aalajangiisartutut ilaasortanik piffissami ilaasortaaffik qaangiulluni atorunnaartoq isumaqarpoq. Aalajangiisartutut ilaasortat atorfinitsinneqanissai tassani pineqanngilaq. Tamanna oqariartaaseq atuutsiinnarneqarpoq, tamanna inatsisiniinut suli atorneqarmat, maannakkullu suleriuseq taamaasilluni atuutsiinnarneqarluni.

Nr. 2-mut

Aalajangersakkap Isumaginninnermi Naammagittaalliuuteqartarfiup nammineq suleriussaminik inissiisarnissaanut piginnaatitsivoq.

*§ 2-mut*

## Nr. 1-imut

Aalajangersagaq atorunnaarsinneqassaaq, Ineqarneq pillugu Maalaaruteqartarfimmut siunis-sami ataatsimiinnissamut suleriesissamik maleruagassiornissamut inissiinissamut piginnaatit-sisussanngorluni.

## Nr. 2-mut

Siunnersuutigineqarpoq, Naalakkersuisut aalajangiisartut suleriesiassaanut maleruagassanut inissiisartussaasut.

Ataani § 2, nr. 3-mi takuneqarsinnaasutut, Naalakkersuisut Ineqarneq pillugu Maalaaruteqar-tarfiup suleriesiassaanut maleruagassanik inissiisarunnaassaaq.

## Nr. 3-mut

Aalajangersagaq Ineqarneq pillugu Maalaaruteqartarfimmut nammineq suleriesissamik inissiinissaanut pisinnaatitsissaaq.

*§ 3-mut*

## Nr. 1-imut

Aalajangersakkap immikkoortut Naalakkersuisut maleruagassanik inissititerivissai allattor-simavai, tassanilu Unammilleqatigiinnermut Ataatsimiititaliap allatseqarfiatalu suleriesis-saanut tunngassuteqarluni.

Ataani § 3, nr. 2-mi takuneqarsinnaasutut, Naalakkersuisut Unammilleqatigiinnermut Ataatsi-miititaliap suleriesiassaanut maleruagassai inissittarunnaassavai.

Maluginiaqquneqarpoq, ”ataatsimiisitaliami ilaasortanik soraarsitsisarneq” isumaqarmat, ataatsimiisitaliami ilaasortatut piffissaq atuuffia atorunnaartoq. Aalajangiisartutut ilaasortat

atorfinitinneqanissai tassani pineqanngilaq. Oqariartaaseq atuutsiinnarneqarnikuuvoq, tassani inatsimmi suli atorneqarmat, taamaasillunilu maannakkut suleriuseq atuulluni.

Nr. 2-mut

Aalajangersakkap Unammilleqatigiinnermut Ataatsimiititaliap nammineq sulerusissaminik inissiisinnaaneranut pisinnaatilissavaa.

#### *§ 4-mut*

Nr. 1-imut

Aalajangersakkap immikkoortut Naalakkersuisut maleruagassanik inissititerivissai allattorsimavai, tassanilu Siusinaartumik pensionisiaqarnermut Naammagittaalliuuteqartarfiup allatseqarfiatalu sulerusissaanut tunngassuteqarluni

Ataani § 4, nr. 2-mi takuneqarsinnaasutut, Naalakkersuisut Siusinaartumik pensionisiaqarnermut maalaaruteqartarfiup sulerusissaanut maleruagassai inissittarunnaassavai.

Maluginiaqquneqarpoq, ”ataatsimiisitaliami ilaasortanik soraarsitsisarneq” isumaqarmat, ataatsimiisitaliami ilaasortatut piffissaq atuuffia atorunnaartoq. Aalajangiisartut ilaasortat atorfinitinneqanissai tassani pineqanngilaq. Oqariartaaseq atuutsiinnarneqarnikuuvoq, tassani inatsimmi suli atorneqarmat, taamaasillunilu maannakkut suleriuseq atuulluni.

Nr. 2-mut

Aalajangersakkap Siusinaartumik pensionisiaqarnermut Naammagittaalliuuteqartarfiup nammineq sulerusissaminik inissiisinnaaneranut pisinnaatilissavaa.

#### *§ 5-imut*

Nr. 1-imut

Aalajangersakkap Pisortat Pisiortortarneranni Neqerooruteqartitsinermi Maalaaruteqartarfiup nammineq sulerusissaminik inissiisinnaaneranut pisinnaatilissavaa, maannakkut aalajangersakkami atuutsinneqartumi pisinnaatitqaanngitsoq, taamaasilluni maalaaruteqartarfiup siulittaasuata sulerusissamik inissinnissaanut pisinnaatitaallissalluni.

#### *§ 6-imut*

Nr. 1-imut

Aalajangersakkap Pinngortitap Illersorneqarnera pillugu Naammagittaalliuuteqartarfiup siunissami nammineq suleriesissaminik inissiisinnaananut inatsisitigut tunngavissaanik periarfissaqalersippaa. Ullumikkut Naalackersuisut Pinngortitap Illersorneqarnera pillugu Naammagittaalliuuteqartarfiup maleruagassaanik inissititerisarpoq.

Ullumikkut Naalackersuisut maannakkut Pinngortitap Illersorneqarnera pillugu Naammagittaalliuuteqartarfiup pillugu Namminersornerullutik Oqartussat nalunaarutaat nr. 6, 12. februaari 2009-meersumi § 58-imi pisinnaatitsinermut aalajangersakkami atuutsinneqartumi suliaqarnikuupput. Nalunaarut atorunnaartussatut siunnersuutigineqarlunilu nutaamik taarserneqarnissaanut siunnersuusiortoqarpoq.

Aalajangersagaq inatsisinik naleqqussaaneq eqqarsaatigalugu ilanngutassanngortinneqarpoq, tassani siunnersuusiami inatsimmi toqqaannartumik maalaaruteqartarfiit namminneq suleriesissaminik inissiisimanerat takuneqarsinnaalerniassammat.

#### *§ 7-imut*

Nr. 1-imut

Aalajangersakkap atuutsitsilernissamut ulluliussaq inississavaa, atuutsitsilernermullu atatillugu nalunaarutit, ilaatigut Ineqarneq pillugu Maalaaruteqartarfiup, Unammilleqatigiinnermut Ataatsimiititaliap, Siusinaartumik pensionisiaqanermut Maalaaruteqartarfiup aamma Pinngortitap illersorneqarnera pillugu Naammagittaalliuuteqartarfiup suleriesaat pillugit nassuiaateqarlutik.

Nalunaarutit sisamat atorunnaarsinneqartut inatsisartut inatsisaata atuutsilerneqarnerani Ineqarneq pillugu Maalaaruteqartarfimmut, Unammilleqatigiinnermut Ataatsimiititaliamut, Siusinaartumik pensionisiaqanermut Maalaaruteqartarfimmut aamma Pinngortitap illersorneqarnera pillugu Naammagittaalliuuteqartarfimmut nalunaarutininik sisamanik nutaanik taarserneqarlutik.

## Takussutissaq 1

<b>Siunnersuut inatsimmut atuuttumut sanilliullugu</b>	
<i>Oqaasertaliunneqartut atuuttut</i>	<i>Siunnersuut</i>
	<b>§ 1</b>  Isumaginnittoqarfiup aqunneqarnera aaqqis-suussaanelu pillugit Inatsisartut peqqussu-taat nr. 11, 12. novembari 2001-imeersumi, Inatsisartut inatsisaat nr. 14, 6. juuni 2016-imeersumi aamma Inatsisartut Inatsisaat nr. 47, 23. novembari 2017-imeersumi, ataani allaqqasut allanngortinneqassapput:
<i>Imm. 8.</i> Naalakkersuisut Isumaginninnermi Naammagittaalliuuteqartarfiup suleriaa-sissaa aamma Naammagittaalliuuteqartarfi-up allattoqarfiullu sulinerannut malittarisas-sat sukumiinerusut nalunaarutitigut aalaja-ngersassavaat, taakkununnga ilaallutik piffissaliussaasut, naammagittaalliuuteqar-tarnermut periaatsit ilusiliinissamullu piu-masaqaatit, taassuma ataani naammagittaal-liuutinik periaatsinik ilusiliinissamullu piu-masaqaatinik naammassinninngitsunik iti-gartitsisinnaaneq piumasaqaammullu tassu-nga atuutitsinnginnissaq, Naammagittaalli-uuteqartarfiup siulittaasuata innersuussine-ratigut Naammagittaalliuuteqartarfiup ilaa-sortaanik piffissaq sioqqullugu soraarsitsi-neq kiisalu Naammagittaalliuuteqartarfiup ilaasortaanik akissarsiaqartitsinermut malit-tarisassat.	<b>1.</b> § 9, imm. 8, imatut oqaasertalerneqarpoq: ” <i>Imm. 8.</i> Naalakkersuisut Isumaginninnermi Naammagittaalliuuteqartarfiup suleriaa-sissaata Allatseqarfiatalu suliaqartarneranut maleruagassaanik inissiissaaq, taakkunun-nga Naammagittaalliuuteqartarfiup siulittaa-suata innersuussineratigut Naammagittaalli-uuteqartarfiup ilaasortaanik piffissaq sioq-qullugu soraarsitsineq kiisalu Naammagit-taalliuuteqartarfiup ilaasortaanik akissarsia-qartitsinermut malittarisassat.”
	<b>2.</b> § 9-mut imm. 10-tut oqaasertaliunneqassaaq: ” <i>Imm. 10.</i> Isumaginninnermi Naammagit-taalliuuteqartarfiup nammineq suleriesissani inississavaa.”



	<b>§ 2</b>
	Inissianik attartortitsisarneq pillugu Inatsisartut peqqussutaat nr. 2, 12. maaji 2005-meersumi, tak. Inatsisartut peqqussutaat pillugu Namminersorlutik Oqartussat nalunaarutaat nr. 52, 17. oktobari 2023-meersumi ataani allanneqartut allanngortinneqarput:
<i>Imm. 3.</i> Maalaaruteqartarfik oqarasuaatit atorlugit ataatsimiissinnaavoq, maalaaruteqartarfimmi ilaasortat tamarmik illoqarfimmi, maalaaruteqartarfiup allattoqarfeqarfigisaani najugaqanngippata.	<b>1.</b> § 83, imm. 3 atorunnaarsinneqarpoq.  Imm. 4-6 matuma kingorna imm. 3-5-inngorput.
<i>Imm. 6.</i> Naalakkersuisut maalaaruteqartarfiup suliai, matumani ilanngullugit ataatsimiittarnerit akuttussusissaat suleriaasissarlu pillugit sukumiinerusunik maleruagassiorinnaapput.	<b>2.</b> § 83, imm. 5 ima oqaasertaliorneqarpoq: ” <i>Imm. 5.</i> Naalakkersuisut aalajangiisartut suleriusaannut maleruagassat inississavaat.”
	<b>3.</b> § 83, imm. 6 ima oqaasertaliorneqarpoq: ” <i>Imm. 6.</i> Ineqarneq pillugu Maalaaruteqartarfiup suleriusissani nammineq inississavaa.”
	<b>§ 3</b>
	Unammilleqatigiinneq pillugu Inatsisartut inatsisaat nr. 1, 15. maaji 2014-meersumi, tak. Namminersorlutik Oqartussat nalunaarutaat nr. 2, 26. marsi 2021-meersumi allaqasut allanngortinneqassapput:
<i>Imm. 3.</i> Unammilleqatigiinnermut Ataatsimiititaliap suleriaasissaa aammalu Unammilleqatigiinnermut Ataatsimiititaliap aamma Atuisartoqarnermut Unammilleqatigiin-	<b>1.</b> § 26, imm. 3 ima oqaasertaliorneqassaaq: “ <i>Imm. 3.</i> Naalakkersuisut malittarisassanik erseqqinnerusunik aalajangersaaffigisinnavaat:

<p>nermullu Aqutsisoqarfiup sulinerannut maleruagassat erseqqinnerusut Unammilleqatigiinnermut Ataatsimiititaliamut ilaasortassanik inassuteqartarnermut toqqaasarnermullu, Unammilleqatigiinnermut Ataatsimiititaliap siulittaasuanit inassuteqaateqarnikkut piffissap atuuffissaasup naanissaa sioqqullugu ataatsimiititaliami ilaasortanik soraarsitsisarnermut maleruagassat kiisalu Unammilleqatigiinnermut Ataatsimiititaliami ilaasortat Inatsisartuni Naalakkersuisunilu il. il. ilaasortat aningaasarsiaqartitaaner at il. il. pillugit Inatsisartut inatsisissaannut naapertuutumik aningaasarsiaqartinneqarnissaat pillugu maleruagassat Naalakkersuisut aalajangersassavaat.</p>	<p>1) Unammilleqatigiinnermut Ataatsimiititaliap sulinera.  2) Atuisoqarnermut Unammilleqatigiinnermullu Aqutsisoqarfiup sulinera.  3) Unammilleqatigiinnermut Ataatsimiititaliap ilaasortassanik innersuussineq toqqaanerlu.  4) Unammilleqatigiinnermut Ataatsimiititaliap siulittaasuanit inassuteqaateqarnikkut piffissap atuuffissaasup naanissaa sioqqullugu ataatsimiititaliami ilaasortanik soraarsitsisarnermut maleruagassat.  5) Inatsisartunut Naalakkersuisunullu il.il. ilaasortat aningaasarsiaqartitaaner at il.il. pillugit Inatsisartut inatsisaat naapertorlugu Unammilleqatigiinnermut Ataatsimiititaliami ilaasortat aningaasarsiaqartinnissaat.”</p>
	<p>2. § 26-mi imm. 4-tut inissinneqassaaq:  ” Imm. 4. Unammilleqatigiinnermut Ataatsimiititaliap suleriesissani nammineq inissisavaa.”</p>
	<p style="text-align: center;"><b>§ 4</b></p> <p>Siusinaartumik pensionisiat pillugit Inatsisartut inatsisaat nr. 40, 9. decembari 2015-imeersumi, tak. Namminersorlutik Oqartusatsat nalunaarutaat nr. 41, 14. septembari 2023-meersoq, ataani allanngortinneqarpoq:</p>
<p><i>Imm. 2.</i> Pensionisiaqarneq pillugu naammagittaalliuuteqartarfiup suleriaasissaanut naammagittaalliuuteqartarfiullu sulinissaanut, kiffartuussinikkut anguniagassaanut, piffissamilu atuuffiusumi naammagittaalliuuteqartarfiup siulittaasuanit innersuussisogareerneratigut naammagittaalliuuteqartarfiup ilaasortaasa soraarsinneqartarnissaat</p>	<p>1. § 10, imm. 2, imatut oqaasertalerneqassaaq:  ” <i>Imm. 2.</i> Naalakkersuisut Siusinaartumik pensionisiaqarneq pillugu naammagittaalliuuteqartarfiup sulinissaanut, kiffartuussinikkut anguniagassaanut, piffissamilu atuuffiusumi naammagittaalliuuteqartarfiup siulittaasuanit innersuussisogareerneratigut naammagittaalliuuteqartarfiup ilaasortaasa</p>

<p>pillugit kiisalu naammagittaalliuuteqartarfiup ilaasortaanik akissarsisitsisarnissaq pillugu Naalakkersuisut aalajangersaassapput.</p>	<p>soraarsinneqartarnissaat pillugit kiisalu naammagittaalliuuteqartarfiup ilaasortaanik akissarsisitsisarnissaq pillugu maleruagassanik aalajangersaassapput.”</p>
	<p><b>2. § 10-mi imm. 3-tut inissinneqassaaq:</b> ” <i>Imm. 3.</i> Siusinaartumik pensionisiaqarneq pillugu naammagittaalliuuteqartarfiup suloriusissani nammineq inississavaa.”</p>
	<p style="text-align: center;"><b>§ 5</b></p> <p>Pisortat Pisiortortarneranni Neqerooruteqartitsinermi Maalaaruteqartarfik pillugu Inatsisartut inatsisaat nr. 7, 12. juuni 2019-imeersumi ataani allanneqartut allannngortinneqassapput:</p>
<p><i>Imm. 2.</i> Inatsisartut inatsisaanni matumani aalajangersakkat eqqarsaatigalugit maalaaruteqartarfiup suleriaasissai siulittaasup aalajangersassavai.</p>	<p><b>1. § 3, imm. 2 ima oqaasertaliorneqassaaq:</b> ” <i>Imm. 2.</i> Pisortat Pisiortortarneranni Neqerooruteqartitsinermi Maalaaruteqartarfiup suloriusissani nammineq inississavaa.”</p>
	<p style="text-align: center;"><b>§ 6</b></p> <p>Pinngortitamik illersuineq pillugu Inatsisartut Inatsisaat nr. 29, 18. decembari 2003-meersumi ataani allanneqartut allannguutigineqassapput:</p>
	<p><b>1. § 58-imi imm. 2-tut inissinneqassaaq:</b> ” <i>Imm. 2.</i> Pinngortitap illersorneqarnera pillugu Naammagittaalliuuteqartarfiup suloriusissani nammineq inississavaa.”</p>
	<p style="text-align: center;"><b>§ 7</b></p>

	<p>Inatsisartut inatsisaat ulloq 1. januar 2025-imi atuutilissaaq.</p> <p><i>Imm. 2.</i> Peqatigitillugu nalunaarutit uku atorunnaarsinneqassapput:</p> <ol style="list-style-type: none"><li>1) Ineqarneq pillugu maalaaruteqartarfiup sulinera pillugu Namminersornerullutik Oqartussat nalunaarutaat nr. 27, 26. novembari 2008-meersoq.</li><li>2) Unammilleqatigiinnermut Ataatsimiititaliap suleriaasissaa taassumalu suliassai pillugit Namminersorlutik Oqartussat nalunaarutaat nr. 12, 23. juuli 2015-imeersoq.</li><li>3) Siusinaartumik pensionisiaqarnermut maalaaruteqartarfik pillugu Namminersorlutik Oqartussat nalunaarutaat nr. 25, 28. oktobari 2016-imeersoq.</li><li>4) Pinngortitap illersorneqarnera pillugu naammagittaalliuuteqartarfik pillugu Namminersornerullutik Oqartussat nalunaarutaat nr. 6, 12. februaari 2009-meersoq.</li></ol>
--	---

**Takussutissaq 2****Tusarniaanermut allakkiaq****Oqartussaasunik, suliniaqatigiiffinnik il.il. tusarniaaviginneq**

Siunnersuut piffissami 26. marsi 2024-miit 23. aprili 2024-mut [www.naalackersuisut.gl](http://www.naalackersuisut.gl)-imi Naalackersuisut tusarniaanermut nittartagaat aqutugalugu tamanut saqqummiunneqarnikuuvoq.

Siunnersuullu aamma pisorta qarfinni, kattuffinni allanilu tusarniaassutigineqarsimavoq, ukunani:

Naalackersuisut Siulittaasuata Naalackersuisoqarfia, Aningaasaqarnermut Akileraartarnermulu Naalackersuisoqarfik, Isumaginninnermut, Ilaqutariinnut, Suliffeqarnermut Nunamullu Namminermut Naalackersuisoqarfik, Meeqqanut Inuusuttunullu Naalackersuisoqarfik, Nunalerinnermut, Imminut Pilersornermut, Nukissiutinut Avatangiisinullu Naalackersuisoqarfik, Ineqarnermut Attaveqaasersuutinullu Naalackersuisoqarfik, Avannaata Kommunia, Kommune Kujalleq, Kommune Qeqartalik, Kommuneqarfik Sermersooq, Qeqqata Kommunia, Sulisitsisut/Grønlands Erhverv, Nunatsinni Advokatit, Grønlands Revision, BDO revision, Meeqqat Illersuisuat, Utoqqaat Illersuisuat, Innarluutillit Illersuisuat, Kalaallit Nunaanni Ilinniagartuut Kattuffiat, AK, SIK, IMAK, PPK, NPK, SSK, INI A/S, Iserit A/S, Isumaginninnermi Naammagittaalliuuteqartarfik, Ineqarneq pillugu Maalaaruteqartarfik, Unammilleqatigiinnermut Ataatsimiisitaliaq, Siusinaartumik Pensionisiat pillugit Naammagittaalliuuteqartarfik aamma Pisortat Pisiortortarneranni Neqerooruteqartitsisarnermi Maalaaruteqartarfik.

Inuussutissarsiornermut, Niuernermut, Aatsitassanut, Inatsisit Atuutsinneqarnerannut Naligiisitaanermullu Naalackersuisoqarfik pisortanit, kattuffinniit allaniillu ukunanga tusarniaanermi akissutinik tigusaqarpoq:

Sulinermik Inuussutissarsiuuteqartut Kattuffiat (SIK), Sulisitsisut/Grønlands Erhverv, Qeqqata Kommunia, Utoqqaat Illersuisuat, Ineqarnermut Attaveqaasersuutinullu Naalackersuisoqarfik, Nunalerinnermut, Imminut Pilersornermut, Nukissiutinut Avatangiisinullu Naalackersuisoqarfik, Meeqqanut Inuusuttunullu Naalackersuisoqarfik kiisalu Pisortat Pisiortortarneranni Neqerooruteqartitsisarnermi Maalaaruteqartarfiup ilaasortaniit, Janus S. Honoré.

Oqaaseqaatit tiguneqartut ataani naalisarlugit nalinginnaasumik allasimatillugit issuarlugit allanneqarput, Naalackersuisut akissutaat uingasumik allanneqarlutik.

Inatsisissatut siunnersuummut makku oqaaseqaateqanngillat:

Qeqqata Kommunia, Ineqarnermut Attaveqaasersuutinullu Naalakkersuisoqarfik, Nunalerinermut, Imminut Pilersornermut, Nukissiutinut Avatangiisinullu Naalakkersuisoqarfik aamma Meeqqanut Inuusuttunullu Naalakkersuisoqarfik kiisalu Pisortat Pisiortortarneranni Neqeroruteqartitsisarnermi Maalaaruteqartarfiup ilaasortaaniit, Janus S. Honoré.

Tusarniaaffigineqartut uku siunnersuummut oqaaseqaateqarput:

### **Sulinermik Inuussutissarsiuteqartut Kattuffiat (SIK)**

SIK ilannguppoq, maalaaruteqartarfiit ataatsimiititaliallu suleriesissatik namminneq inissiternissaannut tunngavilerneqarluni.

SIK-up naatsorsuutigaa, Naalakkersuisoqarfiup nipangiussisussaassuseq pillugu malerua-gassat malittussaallugit aamma ilaasortanngortitsinermi sulitik pillugit nipangiussisusaatitaallutik atsiortassasut.

SIK-up maalaaruteqartarfiit ataatsimiititaliallu ukiumoortumik imaluunniit ukioq ataaseq affakkuutaarlugu pilersaarusiortassasut kajumissarpai, tassani ilaasortat allanik suliaqartarnerat peqqutaatillugu.

*SIK-up oqaaseqaatai kingulliit marluk allaffissornikkut ingerlatsinerit eqqaaneqarput, tassani allatseqarfiup maalaaruteqartarfinni ataatsimiititalianilu ingerlatsinera oqaaseqaateqarfigineqarluni, siunnersuummi iluarsineqanngitsoq eqqaaneqarmat.*

### **Sulisitsisut (Grønlands Erhverv/GE)**

GE tusarniaanermi akissuteqaammik siunnersuutitalimmik tunniussivoq, tassani siunnersuut § 26, imm. 3, § 3-mi, kiisalu § 10, imm. 2, § 4-mi naggasiullugu ilanngunneqarsinnaasut siunnersuutigalugit.

*§§-ini eqqaaneqartuni marlunni maannakkut sananeqarneri allanngornagit aqqiisoqassaaq, tassani inatsisit atuuttut malinneqaannassagamik.*

### **Utoqqaat Illersuisuat:**

Utoqqaat illersuisuat siunnersuummut oqaaseqaatissaqarsimanngilaq. Utoqqaat illersuisuata eqqaavaa, utoqqaat illersuisuat utoqqarnik ataatsimeeqateqartartoq, tassanilu Ineqarneq pillugu Maalaaruteqartarfiup maalaarutinik suliarinnissinnaaneranut pisinnaatitaanerata killeqarneranik maalaaruteqartut oqaloqatigisimallugit. Ineqarneq pillugu Maalaaruteqartarfiup aalajangersakkani kisimi allanneqarnikut suliarisinnaammatikkat.

*Inatsimmut siunnersuut attartornermi peqqussummi aalajangersakkat allanngortissallugit siunniuteqqavaa, tassani Ineqarneq pillugu Maalaaruteqartarfiup suleriesini nammineq inississinnaalissammagu.*

**Tusarniaanermi akissuteqaatit tigoreernerini inerniliussaq**

Tusarniaanermi siunnersuummi allannguinissamut periarifssiinngilaq.

Tusarniaanermi nalunaarutinit sisamanut oqaaseqaatit tunniunneqarput, taakkualu Inatsisartut Inatsissaata atuutsinneqalernerani ilanngullugit atuutsinneqartussanngorlutik. Tusarniaanermi akissutit, nalunaarutinit tunngassuteqartut, immikkut Naalakkersuisut nalunaarutinit saqqummiisarneri malillugit sullissinermi ingerlariuseq nalinginnaasoq malillugu ingerlanneqassaaq.